

» el so discorso : lo tegno a cuor, e go sempre nel mio animo pre-  
» senti le cose importanti della Repubblica. Nego la proposizion,  
» che la sollecitudine se debba così intender. Se i individui della  
» Signoria se cambia, la Signoria ze eterna quanto la Repubblica ;  
» tanto nei consegnieri, quanto nei capi de Quaranta, nè, le me per-  
» metta i vocaboli del foro, se Tizio manca e sussegue Sempronio  
» se poderà dir per questo, che la Signoria sia cambiada ? La Si-  
» gnoria sempre dura ; se cambia le persone, resta eterna l'autorità.  
» Ze erronea donca la proposizion del Contarini, che la sollecitudine  
» se derivi dal cambiamento de quel corpo. La sollecitudine ze rela-  
» tiva, non a sta sorte de cambiamenti, ma alla qualità delle materie.  
» Ghe sarà una materia grave e de Stato, ghe vol sollecitudine ; una  
» question de acque, dove ghe ze sempre l'imminente pericolo ; se ha  
» da proceder con sollecitudine, non in riguardo a chi propone, ma in  
» riguardo a quel che vien proposto. L'ha ditto quello, che nella sua  
» prima azion ditto non l'aveva. L'ha domandà, sempre fingendo de  
» non saver, e tacciando de ozi la serenissima Signoria. Sta seconda  
» volta ze venudo a risponderghe un cittadin con quella semplicità ope-  
» rativa più dell' industria ; el se ha concilià la giusta approvazion del  
» Mazor Conseggio, l'ha informà, l'ha ditto al Mazor Conseggio quel  
» che la Signoria aveva fatto in obbedienza al comando ; e el l'ha  
» giustificà colle parole. L'ha ditto, come i aveva impiegà el tempo,  
» come i aveva obbedido. Fortunatamente el Mazor Conseggio ga  
» fatto applauso. L'ha finido con quella nobile deferenza de mode-  
» stia, conservada sempre in sto affar dalla serenissima Signoria.  
» L'ha ditto, che el Mazor Conseggio era padron de comandar, che  
» elli averave obbedido. El Mazor Conseggio, conoscitor della loro  
» bona volontà ga addossà l'impegno pericoloso per l'angustia del  
» tempo, e l'ha provà tal 100 voti de più che dall'impegno li ha  
» assolti : voti, che ha applaudido una modesta, se non utile adesion.  
» El Contarini che nomina i voti de una prima, seconda e terza bal-  
» lottazion, ai quali non resisteria Salamon, che l'esamina i so gradi  
» operativi, e questi dovendoghe far temer de un non sempre egual